

Dô sprach von Tronege Hagene: 'stêt zuo des sales want, 12
 lát niht die brende vallen úf iuwer helmbant.
 tret si mit den fúezen tiefer in daz pluot.
 ez ist ein úbel hóhzt, die uns diu kúneginne tuot.'

In sus getānen leiden in doch der naht zeran. 13
 noch stuont vor dem hūse der kúene spileman
 und Hagene sīn geselle, geleinet úber rant:
 si warten scaden mēre von den úz Etzelen lant.

Dô sprach der videlāre: 'nu gē wir in den sal. 14
 sô wānent des die Hiunen, daz wir sīn úber al
 tót von dirre quāle, diu an uns ist getān:
 si sehent uns noh begegene in strite ir etelichen gān.'

Dô sprach von Burgonden Giselher daz kint: 15
 'ich wān' ez tagen welle: sich hebet ein kúeler wint.
 nu lāze uns got von hīmele noch lieber zit geleben.
 uns hāt mīn swester Kriemhilt ein arge hóhgezit gegeben.'

Dô sprach aber einer: ,ich kiuse nu den tac. 16
 sīt daz ez uns nu bezzer wesen niene mac,
 sô wāfent ir iuch, helde, gedenket an den lip.
 jā kumt uns aber schiere des kúnece Etzelen wip.'

Aus d. XXXVI. Av. (Str. 2108—23).

15.

Dô sprach der kúnece Etzel: 'wer hülfe danne mir? 1
 daz lant zuo den bürgen daz gib' ich allez dir,
 daz du mich rechest, Rūedegēr, an den vīnden mīn.
 du solt ein kúnece gewaltec beneben Etzelen sīn.'

Dô sprach aber Rūedegēr: 'wie sol ih'z ane vān? 2
 heim ze mīnem hūse ich si geladen hān,
 trinken unde spīse ich in gütlichen bôt
 und gap in mīne gābe: wie sol ich rāten in den tót?

Die liute wānent līhte, daz ich sī verzaget. 3
 deheinen mīnen dienest hān ich in widersaget,
 den vil edeln fürsten unde den ir man:
 ouch riuwet mich diu vriuntschaft, die ich mit in geworben hān.